

Mid-Day Dogri News Bulletin, 20 August 2025

समा – 12:25 hrs.

<><><><><><>

Parliament Proceedings

संसद दी कारवाई शुरु हुंदे गै अज्ज लोकसभा ते राज्यसभा च भारी हंगामा होआ, जिसकरी दौने सदने दी कारवाई गी स्थगित करना पेई गया। लोकसभा स्पीकर ओम बिरला होरे जिस्सलै सोआले दे समे गी शुरु करने दा ऐलान कीता तां विरोधी धड़े दे सदस्ये जबरदस्त हंगामा ते पं-रौली पानी शुरु करी दिती जिसकरी सदन दी कारवाई गी पैहले दपैहरी 12 बजे तक्कर ते फही 2 बजे तक्कर लेई स्थगित करी दिता गया। दूई बक्खी राज्यसभा दी कारवाई च बी विघ्न पेया जेदे चलदे उपसभापति हरिवंश होरे राज्यसभा दी कारवाई गी पैहले दपैहरी 12 बजे तक्कर ते फही 2 बजे तक्कर लेई स्थगित करी दिता। उआं, जम्मू-कश्मीर दे पुर्नगठन सरबन्धी संशोधन बिल गी अज्ज लोकसभा च पेश कीता जाहग। संसदी मामले सरबन्धी मंत्रालय आसेया जारी अधिकारिक जानकारी मुजब, अज्ज सदन च 3 होर बिल पेश कीते जागंन, जिंदे च संविधान संशोधन बिल, केन्द्र शासित प्रदेशों दी सरकार सरबन्धी संशोधन बिल ते Online Gaming गी बढ़ावा देने ते ओदे नियमन सरबन्धी बिल शामिल न। लोकसभा दे अज्जै दे एजेणें च 3 संशोधन बिलें- संविधान, केन्द्र शासित प्रदेशों ते जम्मू-कश्मीर दे पुर्नगठन सरबन्धी बिलें गी संसद दे दौने सदने दी इक सांझी कमेटी गी व्यापक सोच-विचार लेई भेजने दा प्रस्ताव बी शामिल ऐ। गृह मंत्री अमित शाह होर एकड़े बिलें गी संसद च पेश करगंन।

<><><><><><>

LG Water Sports Mascot

उप-राज्यपाल मनोज सिन्हा होरे रोमांच ते ऊर्जा दे प्रतीक Vibrant Himalayan Kingfisher थमां प्रेरित Khelo India Water Sports Festival-2025 दे शुभांकर कन्ने कल मलाटी कीती। उप-राज्यपाल होरे कल्लै थमां श्रीनगर दी मशहूर पल-झील च शुरु होने आहले इस त्रै दिन दे आयोजन लेई Sports Authority of India, J&K Sports Council ते इस आयोजन च हिस्सा लै रदे सब्भने गी शुभकामनां दितियां न। 28 राज्यें ते केन्द्र शासित प्रदेशों थमां 800 शा मते

Athlete बक्ख-बक्ख मकाबलें च हिस्सा लैगन। इस महोत्सव च Water Skiing, Dragon Boat Racing ते Shikara Race जनेह कार्यक्रमें दा बी प्रदर्शन कीता जाग।

<><><><><><>

CM Badhaal

मुख्यमंत्री उमर अब्दुल्ला होरें पिच्छले बरे दिसम्बर महीने राजौरी जिले च होए दे बड़ाल हादसे च अपनी जान मोआई देने आहलें दे परोआरें आस्तै मुख्यमंत्री राहत कोश थमां 30 लक्ख रुपें दी मंजूरी दिती ऐ। इस हादसे च 13 बच्चें सन 17एं जनें दी जान चली गई ही। इस माली मदाद दा मकसद इस हादसे च अपनी जान मोआई देने आहलें दे परोआरें गी इस दुख चा बाहर कड़ियै उनेंगी परतियै खो होने च मदद करना ऐ। बुद्दल दे विधायक जावेद इकबाल चौधरी होरें मुख्यमंत्री हुंदा इस मदाद लेई धन्नवाद कीता ऐ।

<><><><><><>

CS Skills

मुख्य सचिव अटल पुल्लु होरें जम्मू-कश्मीर च कौशल विकास आली इक तगड़ी प्रणाली स्थापित करने दे मकसद कन्नै रम्भी गेदी “Skilling for All” यानि सब्भनै लेई कौशल सरबन्धी पैहलकदमी तैहत हासल प्रगति दा जायजा लैता। श्रम ते रोजगार विभाग सन कौशल विकास मिशन दे अधिकारी बी इस बैठका च मौजूद हे। मुख्य सचिव होरें IIT जम्मू, IIM जम्मू ते होरनें नेह इदारें दे कन्नै रलियै इस कम्मै गी तोड़ चाढ़ने दी जरूरत पर जोर पाया। बैठक दौरान श्रम विभाग दे सचिव कुमार राजीव रंजन होरें इस सरबन्धी च हाल च आयोजित कीते गेदे सम्मेलन बारे ब्योरे सांझे कीते। इस पैहलकदमी दे तैहत स्कूलें च पेशेवर कोर्स करोआने ते विद्यार्थियें गी कोपिंग, आर्टिफिशल Intelligence ते संचार सरबन्धी कौशल कन्नै लैस करने दे कन्नो-कन्नी सालाना टैक महोत्सवें दा आयोजन करोआना बी शामिल ऐ।

<><><><><><>

Dogri Book Released

डोगरी संस्था जम्मू आसेया कल के.एल सैहगल हाल ते राईटर्ज क्लब च आयोजित इक बड़ो साहित्यिक कार्यक्रम दे दौरान मन्ने-परमन्ने दे लखारी डाक्टर निर्मल विनोद हुंदियें 4 किताबें

दा विमोचन कीता गया। इनें किताबें च खरा फकीरी ठाठ, कनिया सुन्ने दियां, रंग-रंगीला भारत देश ते समें दे खं० पर शीर्षक आलियां कताबां शामिल न। समारोह दे मुख परौहने प्रोफेसर आर.पी शर्मा होरें ॥क्टर विनोद हुंदे इनें शानदार कम्मे दी बड़ी मती सराहना कीती जदके पदमश्री प्रोफेसर ललित मगोत्रा होरें ॥गरी साहित्य गी समृद्ध बनाने ते सांस्कृतिक सदभाव गी बढ़ावा देने च ॥क्टर विनोद हुन्दी महत्वपूर्ण भूमिका पर लौ पाई। खरी मती गिनतरी च बुद्धिजीवियें ते भाषा प्रेमियें इस कार्यक्रम च हिस्सा लैता।

<><><><><><>

Weather

जम्मू दे बक्ख-बक्ख थाहरें अज्ज ब॥ड्लै होई दी भारी बरखा करी आम जनजीवन पर माड़ा असर पेया। लोकें गी ट्रैफिक जाम ते जगह-जगह पानी किट्ठा होने जनेही मुश्कलें दा सामना करना पेया। भारती मौसम विभाग नै अगले 2-3 दिनें तक्कर जम्मू-कश्मीर च भारी बरखा होने दी पेशगोई कीती ऐ। अधिकारियें लोकें गी ऐहतियात बरतने ते बगैर जरूरत दे सफर नैई करने लेई आक्खेया ऐ।

<><><><><><>

PTC Announcement

आकाशवाणी जम्मू दे क्षेत्रीय समाचार एकांश आसेआ जम्मू जिले लेई अंशकालिक संवाददाता यानि PTC लेई दरखास्तां मंगियां गेइयां न। इच्छुक आवेदक जेहदी उमर 24 थमां 50 बरें दे बश्कार ऐ ते ओह जम्मू जिले दा रौहने आहला ऐ, एदे लेई आवेदन करी सकदा ऐ। मेदवार कश पत्रकारिता च पी.जी प्लोमा,पिग्री या कुसै बी पंजीकृत यूनिवर्सिटी थवां ग्रैजुएशन ते पत्रकारिता च 2 बरें दा तजुर्बा होना लोइचदा ऐ। मेदवार गी कम्प्यूटर पर खबर बनाने ते मीपिया कवरेज दे अनुभव सने सरबंघत लोइचदे उपकरणें वगैरा दा इस्तेमाल करना बी औना चाईदा। आवेदक जिला सदर दफ्तर दी 10 किलोमीटर दी हद्द दे अंदर-अंदर रौहदा होना चाईदा ऐ। दरखास्त ते लोइचदे दस्तावेजें दी कॉपी मेदवार गी क्षेत्रीय समाचार एकांश आकाशवाणी पंजतीर्थी जम्मू च 31 अगस्त 2025 संजा 6 बजे कोला पैहले- पैहले आइए दस्ती जमा करोआनी होग। इस बारै व्यापक जानकारी आकाशवाणी दी वेबसाइट www.newsonair.gov.in पर उपलब्ध ऐ।